

† Sier Zuan Antonio Venier savio a
Terra ferma, qu. sier Jacomo
Alvise 95. 89

*Un Proveditor a l' Arsenal in luogo di sier
Tomà Mocenigo, va orator al Turco.*

Sier Zuan Moro fo luogotenente in
la Patria, qu. sier Damian. . . . 69.116
Sier Hironimo da chà da Pexaro fo
savio del Conseio, qu. sier Be-
neto procurator. 106. 83
Sier Michiel Malipiero fo patron a
l' Arsenal, qu. sier Jacomo . . . 47.141
† Sier Lunardo Emo fo savio del Con-
seio, qu. sier Zuan el cavalier . 114. 86
Sier Michiel Morexini fo proveditor
sora l' armar, qu. sier Piero . . . 84.122
Sier Polo Valaresso fo podestà a
Bergamo, qu. sier Gabriel . . . 56.130

*Do proveditori sora la mercadantia, in luogo
di sier Alvise Bon è intrato governador, et
sier Stefano Tiepolo è intrà avogador extra-
ordinario.*

† Sier Bernardo Moro fo proveditor
al Sal, qu. sier Lunardo 132. 36
Sier Vicenzo Polani è di Pregadi,
qu. sier Jacomo 105. 68
† Sier Alvise Dolfin è di Pregadi, qu.
sier Hironimo 129. 41
non Sier Francesco Venier è di Pregadi,
qu. sier Zuane, per contumatia.
non Sier Ferigo Vendramin è di Prega-
di, qu. sier Lnnardo.

65 *A dì 3, domenega de Lazaro.* El comenzò
hozi el perdon antico a la Caritade.

*Da Bologna, del Surian orator nostro, fo
lettere, di 29, portate per il piovàn di San Zu-
minian, qual vene in Collegio, et ha portato la
bolla per quei de prima tonsura, ma l'altra de
piovani di le contrade et de titoli de le contrade di
questa terra non ha potuto haverla, con dirli el
cardinal Santiquatro che la expedirà, zonto el sia a
Roma el papa.*

Et ditto piovàn, afermò zuoba a di ultimo mar-
zo el papa parti da Bologna in letica con zerea
cavali . . . , *insalutato hospite*, nè se sapeva che
quel zorno parlisse; et el zorno seguente dovea

I Diarii di M. SANUTO. — Tom. LIII.

partir l' orator nostro. Sua Santità va a Imola, si-
chè farà la via de la Romagna per andar a Roma,
et è andato cardinali con Sua Santità; el
resto di cardinali partirano per zornata. Et il car-
dinal Corner, zà zorni è zonto a Chioza et
de li andò a Carara, abatia di uno suo nepote, dove
starà qualche zorno.

*Da Mantoa, di sier Nicolò Tiepolo el dotor,
orator nostro, et sier Marco Antonio Venier
el dotor, di ultimo.* Come, de la partita de Cesare,
si dice partirà a di 4, ma qual via fazi, non vol se
intendi. *Item*, si stà su caze et feste. *Item*, come
don Alfonxo (*Ercole*) fiol primogenito del duca, et
. . . . , erano zonti li a far reverentia a Cesare,
et Sua Maestà li ha fatto optima ciera.

Da poi disnar, fu Gran Conseio, vice doxe sier
Andrea Mudazo.

Fu posto, per li Consieri et Cai di XL, una parte
de levar la contumatia a li apontadori di S. Marco
et de Rialto, presenti et futuri. Et balotà do volte,
non have el numero; vol li cinque sexti da 1200 in
suso.

Fu publicà la parte presa in Pregadi a di ultimo
del passato zerca li Monti del Subsidio et Novis-
simo. La copia è notada quì avanti.

Fu comenzà a far li XL Civil nuovi, et tra li
altri fu tolto XL sier Lunardo da Mula, fo XL, qu.
sier Jacomo, el qual andava procurando per Con-
seio, et admonido da sier Marin Morexini censor
che l' andasse a sentar, et lui pur andava per li
banchi, *unde* fu chiamà dal Censor, et menato a la
Signoria, dito haverlo visto procurar, fo per la Si-
gnoria publicà el dito esser cazudo a la leze, bandi-
zà do anni de Conseio, pagar alcuni danari, et non
fu provado XL.

Gionse hozi mercadanti de le galie di Baruto,
capitanio sier Vicenzo Salamon, in questa sera, et
disseno haverle lassate a Ruigno, et si have il cargo,
ch'è da colli 1600, che è el cargo de una galia, el
resto cenere etc. Se intese come le galie di Alexan-
dria, capitanio sier Francesco Dandolo, di ritorno
erano a Cao Salamon a di 10 marzo, et con questi
sirochi presto saranno in Histria.

È da saper come questi zorni se intese, per 65*
letere haute da le dite galie, come erano scampati di
Aleppo sier Piero et sier Constantin . . . di sier Fran-
cesco qu. sier Lorenzo, et hanno portato via a mori
da ducati milia, et erano venuti in Cipro,
dove, volendo intender quei rectori la causa de la
sua venuta, disseno che a Constantinopoli el Signor
turco havia fatto taiar la testa a sier Piero Zen ora-